

# Vun driweriwer

---

erscheint auf [www.lenauheim.de](http://www.lenauheim.de)

monatliche  
Erscheinung

Mai 2012

von Helen Alba

## Vun de Bodys, Pampers un noch vill meh

Was e moderni Oma alles wisse muß! In dere heitichi Zeit muss mer erscht lerne, sich zurechtzufinne, um in alli Bereiche mitzukumme. In villes git mer sich drin, ohne des alles so richtig zu kapiere. Ganz wichtich awer git die moderni Zeit, dann wann mer Oma git, wann mer all des in die Tat umsetze meeht, was mer vun de Kiner, wie die kleen ware, weess. Un dann ufmol alles annerschter is un mer sich schwer zurecht finne tut. Doch mit Ruh, un scheen der Reih noh, will ich eich verzähle, wie des mir als frischgebackeni Oma gang is.

Erscht war ich ausser Rand un Band vor lauter Freed. Noh han ich mer de Kopp verbroch, was ich dem Kind als erschtes Gschenk in die Wie leije soll. Sin dorch die Gschäfte gstulpert un han mich for nix, awer gar nix, entscheide kenne. De Ota hat korz entschloss gsaat, dass mer Geld in e Umschlach tun, des de Eltre iwerreiche. Weil, die wisse schun, was so e Baby brauche tut.

Nit schockle, ohne Heppe! Un dann, wie mer uns uf de Wech gemacht un in Deitschland ankumm sin, hat so e winziches Etwas im Kerbche gelee un siess gschlummert. Ke Wie, ke Inbinnkisse, ke Lumpe, ke Stramplgwand un ke Puder. Bevor mer des Kind heppe hat derfe, hat mer erschter sei Händ desinfiziere misse. Un noh sin mer belehrt gin: Nit schockle, nit sehr vill heppe, des Baby brauch sei Ruh. Die Pampers, na des han ich jo gewisst, dass die Lumpe ersetze. Doch wie ich gheert han, iwer die Pampers kummt e Body, han ich mich nit blamiere un frooe wille, was des is. Also, des is so e Gwand, korz- oder langärmlich, was uner de Pampers zammgeknepelt git, dass die nit verritsche. Doch froot mich nit, wies mer ergang is in dem Moment, in dem ich des Kind trucke geleet han. Ich han doch noch nie mit Pampers hantiert un nit gewisst, was ich mache soll dermit. Alli um mich rum han mich ausgelacht, weil ich so lang geknoddelt han, bis ich des irgendwie kapiere tun. Doch mer gewehnt sich dran.

Anstatt ins Inbinnkisse is es Kind in e Schlofsack kumm. Es war ke Koppkisse im Kerbche, alles war flach. Wie de Owet kumm is, han ich gedenkt, dass ich de Kleene bade derf. Doch nix tralla, die Mutti hat des selwer gemacht un ich han zugschaut. Awer ich han derfe spaziere fahre mitm Kind.

Jo nit verwehne! Die Zeit is wie im Nu vergang, mir han uns uf de Hemwech gemacht Jede Owet han mer unser Bu am Computer gsiehn. Un wie er kaum drei Monat alt war, hat er e Babypass kriet, is mit seiner Mutti in de Flieger gsitzt gin un war im Nu in Temeschwar. Un jetz is er schun „groß“ mit seine fascht zehn Monate, fangt an zu verstehn, is iwerhaupt nit schnausich un esst alles was er kriet mit beschem Appetit. Er sitzt, wänzelt sich rum, krawwelt un will anfangen zu laafe. Un ich em Kind je noh, weil mer muss es jo an de Händle halle un fiehre. Manchsmol denk ich, jetz un jetz brecht mers Kreiz in zwaa – doch tapper laafe mir zwaa weiter. Mir spille ach schun Balle, des is em Bu sei liebschtes Spiel, do is er in seim Element. Kreische tut er selten, is immer gut ufgeleet un jeinert nor, wann er nass, hungrich oder schlofrich is. Des Kind soll nit verwehnt gin! Ja, saat mer mol, welli Oma tut des nit? Un wanns sin muss, verstohlenerweis!